



SIARAN MEDIA

MAKLUM BALAS TERHADAP PENULARAN VIDEO SAYURAN LAYU MENJADI SEGAR SETELAH DIRENDAM DALAM CECAIR

1. Jabatan Pertanian Malaysia telah menerima video yang tular di laman media sosial berdurasi 1 minit 45 saat mengenai seorang lelaki menunjukkan bagaimana larutan kimia boleh menyegarkan kembali sayuran berdaun yang layu. Dalam video tersebut, sayur daun tersebut kembali segar setelah dikeluarkan dalam rendaman larutan kimia tersebut. Video ini didakwa dirakam di Pasar Selayang, Selangor dan sayuran tersebut dijual oleh pelarian Rohingya.
2. Setelah diteliti kandungan video tersebut, Jabatan Pertanian Malaysia mendapati bahawa kejadian tersebut bukannya berlaku di Pasar Selayang, Selangor. Kejadian ini berlaku di luar negara jika dilihat dari bahasa yang digunakan dan nombor pendaftaran motorsikal dalam video tersebut. Siasatan Jabatan Pertanian Malaysia juga mendapati bahawa video asal tersebut telah dimuat naik di YouTube pada 23 Julai 2021 oleh saluran Telugu di bawah nama Mana Family Trends.
3. Sehubungan itu, Jabatan Pertanian Malaysia ingin menasihatkan orang awam untuk tidak mudah terpengaruh dengan dakwaan tersebut dan menafikan kejadian tersebut berlaku di Malaysia.
4. Jabatan Pertanian Malaysia sentiasa giat untuk memastikan tanaman makanan yang dihasilkan di Malaysia mengamalkan Amalan Pertanian Baik. Justeru, Jabatan Pertanian Malaysia ingin menyarankan orang awam untuk membeli tanaman makanan terutamanya produk sayur-sayuran yang mempunyai pensijilan Amalan Pertanian Baik Malaysia (myGAP) kerana produk myGAP dijamin berkualiti dan selamat untuk dimakan.

###